

公開組 亞軍 《屋邨情》

惠晴：

嚟嚟嚟.....三二一！好，轉甫士，轉甫士.....

家善：

點解要喺度影啲？你睇下人哋陳生、陸太望住喇。

朋友：

係囉，醜死怪喇。

惠晴：

噏，你諗下啲，我哋三個屋邨妹 First Hon 畢業，威唔威先？

三人(齊聲笑)：

哈哈.....

惠晴：

屋邨妹，屋邨妹.....而家無名俾你叫呀！

家善：

你阿頭又係衰啲嘅。不過人哋住私樓，係巴閉嘅.....

惠晴：

哼！終有一日，我都會衝出屋邨，唔再.....

朋友：

Sh...

家善：

嘈醒陸太喇。

朋友：

你自己一個住，有事起上嚟點算呀？世伯伯母呢？佢哋放心嚟噏？

惠晴：

我同佢哋講過㗎啦，佢哋根本一啲都唔明。

朋友：

家善，你勸下佢啦。

家善：

你咁樣搬出去住，真係解決到問題咩？

惠晴：

我淨係知如果一直都住喺度，我一世都只會俾人話係屋邨妹。

朋友：

李惠晴，而家屋邨妹好失禮你呀？

惠晴：

你哋唔會明㗎喇，你哋都唔好諗住阻我。

家善：

好呀，你覺得我哋阻住你呀嘛。我哋呢世都唔會再阻你，我哋唔再係朋友。

朋友：

惠晴呀.....

家善：

李惠晴，做咩返嚟都唔講聲呀？

朋友：

呢度凍呀，快啲返上樓先啦！